

Sar rodela manuš ple čhaveske than?

O daja-dada e tikneberšengere čhavage te mangle te pučen diso bašo sikljojbe ki dajakiri čhib, trebela te obratinen pes ki škola ja pale ki komuna.

Odova tane o daja-dada so odlučinena dali ola ka roden sikljojbe ki dajakiri čhib.

O sikljojbe ki dajakiri čhib tano dobrovoljno hem tano bizo love.

Tu rodea odova odolea so čhivea jek krsto ko rodibaskoro formulari ki gimnaziakiri škola.

Bašo prijavibe hem informacia kontaktirin e odgovorno manušnja bašo sikljojbe ki dajakiri čhib:

Suzanne Nordin-Erikson

Tel: 0521-72 17 93, 72 15 31

E-pošta:

Suzanne.nordin.eriksson@edu.vanersborg.se

Sikljojbe ki dajakiri čhib

Vänersborgs kommun (Logotyp)

Soj odova sikljojbe ki dajakiri čhib?

O sikljojbe ki dajakiri čhib tano jek samostalno predmeti ki fundavno škola hem ki gimnazia.

O sikljojbe ki dajakiri čhib ko gimnazikano nivo tano ulavdo ko trin kursia: Aktivno dujčhibalipe, Dajakiri čhib A hem Dajakiri čhibB. O cili tano te šaj o sikljojne te oven dovolno šukar ki školakiri buti a isto adžahar te džan angle ko plo dujčhibalo identiteti ko asavke forme kori so e sikljojnengoro personalikano angledžajbe (razvitak) hem olengoro sigurnost upri peste ka ovel baro – ka vazdel pe.

O sikavne so sikavena ki dajakiri čhib ola obično avena kotar isto kultura sar o čhave. O sikavno/sikavni ki dajakiri čhib mora te ovel olen šukar džanibe hem ki švedikani čhib hem bašo švedikano društvo.

Koj tano odgovorno bašo pikodejbe (podrška), sikljojbe hem bašo studiribaskoro dumodejbe?

E komuna isi najbaro odgovornost bašo čhavengoro dikhibe hem baši škola. Palo školakoro kanuni (zakoni) i komuna tani dužno te kerel te ovel sikljojbe ki dajakiri čhib, te isi ki komuna jek grupa kotar najhari pandž džene hem te isi jek manuš soj tano dovolno šukar te ovel sikavno/sikavni.

Akava na važinela bašo nacionalikane *minoritetikane čhibja kola tane i samikani čhib, meankieli, finsko čhib, javudikani čhib hem i romani čhib, akate e sikljojnengiri grupa šaj te ovel pohari. O sikljojbe ki dajakiri čhib šaj te organizirinel pe poviše školencar kaj te keren pe dovolno bare grupe.

O direktori odlučinela bašo jekhe sikljojneskoro sikljobe ki dajakiri čhib.

*Odolea so i Švedia phanlja pe e EU-skere pravilencar ko 2000 berš tegani ule o nacionalikane minoritetikane čhibja kola tane i samikani čhib, meankieli, romani čhib, i finsko čhib hem i javudikani čhib.

Kaske šaj te del pe pikodejbe (podrška), sikljojbe hem studiribaskoro dumodejbe ki dajakiri čhib?

Sa okola sikljovne so vakerena jek javer čhib khere a na švedikani ple dajaja ja dadea ja pale e manušenar so arakhena olen, isi olen pravo bašo sikljojbe ki dajakiri čhib. E minoritetikane čhibjen isi asavko pravo mada o čhave na vakerena khere pli čhib. Odova važinela hem e čhavege soj linde (adoptirime).

Jekhe sikljovne isi pravo te del pe oleske/olake sikljojbe ki dajakiri čhib sakhedimo (ukupno) efa berš ko ple školakoro vreme ki phravdi škola.

Akava ograničibe na važinela te isi e sikljovne specialno potrebe, te sikljola e dajakiri čhib sar moderno čhib ja pale sar individualikano biribe (aluibe) isi ole/la sar dajakiri čhib i samikani čhib, meankieli, romani čhib, finsko čhib ja pale jek javer nordikani čhib.

Jek sikljovno kaske so dela pe sikljojbe ki dajakiri čhib šaj te del pe oleske/olake asavko sikljojbe ponodori mada ov/oj činavela te vakerel i čhib ko plo sakodivesutno dživdipe. Preduslov bašo odova tano so o sikljovno trebela te ovel ole/ola šukar džaniba ki pli dajakiri čhib hem ov/oj mangela te del pe oleske/olake asavko sikljojbe

Kursia

I gimnazia Birger Sjöberg dela o kursia Aktivno dujčhibalipe 50 poenia, Dajakiri čhib A 100 poenia hem Dajakiri čhib B 100 poenia. Dajakiri čhib sikljola pe sar moderno čhib ja pale sar individualikano biribe (aluibe) a na sar barakerdo programi. O sikljojbe ki dajakiri čhib našti te ovel poviše kotar jek čhib ko sikljovno.

Jek romano sikljovno so avela kotar javer phuv, te isi specialno soskipa (razlog) šaj te del pe oleske/olake dajakoro sikljojbe ko duj čhibja.

Savo kursi o sikljovno birinela zavisinela kotar olakoro /oleskoro anglodžaniba hem kotar o potrebe ko budućnost. Manuš šaj te kerel kombinacie e kursencar.

Ocene dela pe palo kurseskoro krajo.

ML 1201 – Aktivno dujčhibalipe 50 poenia

O kursi aktivno dujčhibalipe dela šaipe e sikljovnenge te barakeren plo džanibe ki dajakiri čhib bašo plo šukaripe hem te šaj ola odova te koristinen ko avutno bučakoro dživdipe hem ko studiribe. O sikljojbe ovela sprema e sikljovnengoro mangibe hem potreba bašo olengiri studiribaskiri pravco.

E sikljovnen ovela šaipe te studirinen tekstia hem te barakeren o lafia ki čhib ko zavisnost e studiribaskere pravcoja.

ML 1202 – Dajakiri čhib A 100 poenia

O kursi Dajakiri čhib A tano kerdo bašo sikljojbe ki fundavni (osnovno) škola ja pale e manušenge so isi olen džanibe ko slično nivo.

E dajakoro čhibjakoro značaj bašo lično identiteti isi ole baro značaj ko akala studie.

Ko akava kursi džala andre sar o čitibe tekstia kotar sajavera (razna) vrste, isto adžahar čhibjakoro koristibe ko vakeribe hem ko pisibe (hramojbe) a isto adžahar studiribe e čhibjakoro značaj.

ML 1203 – Dajakiri čhib B 100 poenia

O kursu Dajakiri čhib B barakerela e sikljovneskoro čhibjalo zoralipe hem ov dela šaipa te šaj te bajron o džaniba baši i kultura hem o društvo ki phuv kotar so avela manuš a isto adžahar bašo e minoritetikane grupakere uslovia ki Švedia. Akava kursu dela hem jek džanibe bašo odova sar i čhib hem i literatura dikhela pe ko društvo hem ki kultura.